



"REGIONALNA DEPONIJA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-120/17
Zenica, 15.03.2017. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-16/17 od 16.01.2017.godine u otvorenom postupku nabavke „Izvedbe nadogradnje odlagališne kasete“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

ODLUKU

**o izboru najpovoljnijeg ponuđača i dodjeli ugovora za nabavku
za „Izvedbu nadogradnje odlagališne kasete na Regionalnoj deponiji Moščanica“**

Član 1.

Prihvata se preporuka Komisije za javnu nabavku, broj: 02-119/17 od 15.03.2017.godine i Ugovor za „Izvedbu nadogradnje odlagališne kasete“, dodjeljuje se **grupi ponuđača – Konzorcij: TKM d.o.o. Zenica i Dume – Trade d.o.o. Portorož** na osnovu njihove ponude, broj 01-02/17 od 03.03.2017.godine i to za ponudenu cijenu od **394.638,60 KM bez PDV-a**, kao najbolje ocijenjenom.

Član 2.

Izabrani ponuđač je dužan dostaviti dokaze o svojoj kvalificiranosti u skladu sa tačkom 12. Tenderske dokumentacije.

Član 3.

Prijedlog ugovora dostavit će se na potpis izabranom ponuđaču **Konzorcij: TKM d.o.o. Zenica i Dume – Trade d.o.o. Portorož** po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Ova odluka objavit će se na web-stranici Ugovornog organa (www.rdm.ba) istovremeno s upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavit će se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim

O b r a z l o ž e n j e

Postupak javne nabavke "Izvedba nadogradnje odlagališne kasete na Regionalnoj deponiji Mošćanica" za potrebe Ugovornog organa pokrenut je Odlukom o pokretanju postupka javne nabavke, broj: 02-15/17 od 16.01.2017.godine.

Procijenjena ukupna vrijednost javne nabavke bez PDV-a je 430.000,00 KM.

Javna nabavka je planirana u Planu javnih nabavki za 2017.godinu i evidentirana je u istom pod rednim brojem 1., a Plan je objavljen na web stranici Ugovornog organa (www.rdm.ba) u skladu sa članom 17. Zakona o javnim nabavkama.

Javna nabavka je provedena otvorenim postupkom u skladu sa Zakonom o javnim nabavkama.

Kriterij za ocjenu ponuda je "najniža cijena" prihvatljive ponude.

Dana, 16.01.2017.godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-3-17-3-1/17, a sažetak Obavještenja o nabavci je objavljen u „Službenom glasniku BiH“, broj 04/17 od 20.01.2017.godine.

Komisija za javnu nabavku imenovana je Odlukom direktora Ugovornog organa, broj: 02-16/17 od 16.01.2017.godine.

Dana, 15.03.2017.godine Komisija za javnu nabavku je dostavila Zapisnik o ocjeni ponuda, broj: 02-114/17 od 14.03.2017.godine u postupku javne nabavke "Izvedba nadogradnje odlagališne kasete na Regionalnoj deponiji Mošćanica". U Izvještaju (Zapisniku) o radu Komisije, je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,
- da sve dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Uvidom u ponude Komisija je konstatovala da sve ponude sadrže izjavu ponuđača da njihove ponude potpadaju pod primjenu preferencijalnog tretmana domaćeg.

U skladu sa Odlukom o obaveznoj primjeni preferencijalnog tretmana domaćeg ("Službeni glasnik BiH", broj: 83/14, od 04.11.2016..godine) Ugovorni organ je u tački 41. Tenderske dokumentacije propisao sljedeće: *"Pod domaćim ponudama smatraju se ponude koje podnose pravna ili fizička lica sa sjedištem u Bosni i Hercegovini i koja su registrirana u skladu sa zakonima u Bosni i Hercegovini i kod kojih, u slučaju ugovora o nabavkama radova, najmanje 50% radne snage za izvršenje ugovora su rezidenti iz Bosne i Hercegovine"*.

Dakle, da bi se ponuda smatrala domaćom i da bi ista potpadala pod primjenu preferencijalnog tretmana domaćeg moraju biti kumulativno ispunjena dva uslova; 1.) da svi ponuđači uključujući i članove grupe ponuđača – konzorcija imaju sjedište u BiH i da su registrirana u skladu sa zakonima u BiH i 2) da najmanje 50% radne snage za izvršenje ugovora su rezidenti iz Bosne i Hercegovine.

Uvidom u ponudu grupe ponuđača – konzorcija firmi Almy-Transport d.o.o. Zenica i G.T. Trade d.o.o. Split, u Izvod iz sudskog registra firme G.T. Trade d.o.o. Split nesporno je da ova firma ima sjedište u Splitu na adresi Spinčićeva 2D, te da je registrirana u skladu sa zakonima R Hrvatske.

Također, uvidom u ponudu grupe ponuđača – konzorcija firmi TKM d.o.o. Zenica i Dume-Trade d.o.o. Portorož, u Izvod iz sudskog/poslovnog registra firme Dume-trade d.o.o. Portorož nesporno je da ova firma ima sjedište u Portorožu na adresi Obala 123, te da je registrirana u skladu sa zakonima R Slovenije.

S obzirom da R Hrvatska i R Slovenija nisu članice zemalja CEFTA, iz naprijed navedenog jasno je da ponuda grupe ponuđača Almy-transport d.o.o. Zenica i G.T.Trade d.o.o. Split, kao i ponuda grupe ponuđača TKM d.o.o. Zenica i Dume-trade d.o.o. Zenica ne ispunjavaju uslove iz tačke 41. Tenderske dokumentacije i Odluke o obaveznoj primjeni preferencijalnog tretmana domaćeg, te s toga Komisija Ugovornog organa nije mogla na ove ponude primijeniti preferencijalni tretman domaćeg.

Ponuđač IN d.o.o. Sarajevo je također izjavio preferencijalni tretman domaćeg te Komisija Ugovornog organa je utvrdila da ova ponuda ispunjava uslove za primjenu istog. Međutim, nakon primjene preferencijalnog tretmana domaćeg na ponudu ponuđača IN d.o.o. Sarajevo nije ostvaren nikakav uticaj na redoslijed u rangiranju ponuđača.

Pregledom ponude koju je dostavila grupa ponuđača – konzorcij firmi TKM d.o.o. Zenica i Dume-Trade d.o.o. Portorož, Komisija Ugovornog organa je imala određene nejasnoće u vezi sa Potvrdom o uspješno izvedenim radovima i Izvodom iz poslovnog registra, te je tim povodom svojim dopisom br. 02-102/17 od 07.03.2017.godine zatražila pojašnjenje ponude. Nakon što je Predmetni ponuđač u ostavljenom roku dostavio pojašnjenje ponude, Komisija Ugovornog organa je konstatovala da je ponuda Konzorcija TKM d.o.o. Zenica i Dume – Trade d.o.o. Portorož prihvatljiva i da može biti predmet vrednovanja u postupku nabavke.

Na osnovu navedenog Komisija Ugovornog organa je utvrdila da sve ponude dostavljene u postupku nabavke ispunjavaju formalno – pravne uslove i da su prihvatljive i da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

Uvidom u priloženu dokumentaciju u ponudi, Komisija za nabavku je utvrdila da ponuda, broj 01-02/17 od 03.03.2017.godine. ponuđača - konzorcij firmi TKM d.o.o. Zenica i Dume-Trade d.o.o. Portorož ispunjava sve formalno – pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, da je ovaj ponuđač ponudio cijenu ponude koja nije veća od procijenjene vrijednosti nabavke Ugovornog organa, te je stoga ova ponuda ocijenjena kao prihvatljiva i najpovoljnija.

U tabeli broj 1. je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prihvatljivih ponuda, kako slijedi:

Tabela broj 1.

| Ran g | Naziv ponuđača | Ponuđena cijena (bez PDV-a) u KM | Primjena preferencijalnog tretmana domaćeg ponuđača (-10%) | Ponuđena cijena (bez PDV-a) u KM nakon primjene preferencijalnog tretmana domaćeg ponuđača |
|----------|--|---|--|---|
| 1 | Konzorcij: TKM d.o.o. Zenica i Dume-Trade d.o.o. Portorož | 394.638,60 | - | 394.638,60 |
| 2 | IN d.o.o. Sarajevo | 462.987,48 | - 46.298,75 | 416.688,73 |
| 3 | Konzorcij: Almy-Transport d.o.o. i GT-Trade d.o.o. Split | 516.744,50 | - | 516.744,50 |

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor Društva

Zukić Emir, dipl.ing.maš.

Dostaviti:

1 x Ponuđaču: Konzorcij TKM d.o.o. Zenica i Dume-Trade d.o.o. Portorož

1 x Ponuđaču: IN d.o.o. Sarajevo

1 x Ponuđaču: Konzorcij Almy-Transport d.o.o. i GT-Trade d.o.o. Split

1 x a/a